

Ram ka naam nis din bhajte raho | By Sanjay Chauhan |

Ram ka naam nis din bhajte raho
dekhna ek din Ram mil jayenge
Jaise Sabri ke ghar Prabhu Ram gaye
waise apne bhi ghar kabhi aa jayenge
Ram ka naam nis din bhajte raho
dekhna ek din Ram mil jayenge

Ram ke naam mein hai wo shakti badi
dekho paani mein patthar bhi tair gaye
Bhav paar agar tumko jaana hi hai
Ram naiya ko paar laga jayenge

Ram ke naam se saari duniya chale
Ram naam bina koi kaam na chale
Ram ka naam lekar chalte chalo
Ram aa kar ke bigdi bana jayenge

Jhuthi maya mein phans kar na jeevan gawa
Ram charno mein thoda sa dhyan laga
Aisa jeevan kabhi phir mile na mile
jaane kis roop mein Ram mil jayenge

Jis hriday mein Prabhu Shri Ram base
uska baal bhi baanka na koi kare
Jo bhi Ram ko mann se pukara kare
Ram usko gale se laga jayenge

Ram se bhi bada Ram ka naam hai
inke charno mein baste chaaro dhaam hai
Ram charno mein nis din naman karo
Ram har mann mein teerath bana jayenge

Nek raahon pe chalna tera kaam hai
aage raah dikhana unka kaam hai
Jin raahon pe tujhko kaante chubhe
Ram aakar ke phool bichha jayenge

Jaisa Ram rakhe waisa tujhko rehna
nij Ram bhajan mein magan rehna
Ram ki sab leela Ram jaane
dekhna beda paar laga jayenge

Phal ki aasha mein jeevan viphal na bana
prem baat ke jeevan saphal tu bana
Ram ke haath mein apna sab saunp do
Ram prem lutane chale aayenge

Laakh koi zehar jag mein ghol de

aur bhalai ke badle burai kare
Ram ko yaad kar ke dekh zara Ram
amrit pilane chale aayenge

Saari duniya ke dhan se bada dhan hai ye
Ram dhan se bada dhan koi bhi nahi
Jisko Ram ratan dhan mil jayega
Ram khud usko Vaikunth le jayenge

Marna jeena sabhi Ram ke haath hai
bhakti kar jitni saanse tere paas hai
Ram bhakti mein tu thoda dhyan laga
Ram takdeer teri bana jayenge

Roop rang na dekh mann ko dekh zara
mann mandir mein Ram ji ki moorat bitha
Sachche mann se Prabhu ka dhyan laga
dekhna Ram mann mein sama jayenge

Meethi vaani jo bole usi ke hain Ram
meetha amrit jo ghole usi ke hai Ram
Prem ke bol meethe bolo sada
prem pyaala pilane chale aayenge

Khush kismat hai wo jinko bhakti mile
bhakti ke path pe chalkar hi mukti mile
Sat karmo ke path par chalte raho
dekhna Ram mukti dila jayenge

Jiska duniya mein koi sahara na ho
uska ek sahara Shri Ram hi hai
Ram ji ke sahare badhte chalo
dekhna wo kinara dikha jayenge

Ram ji se hi din Ram se raat hai
Ram se dopahar Ram se shaam hai
Ram aatho pehar apne saath hi hai
jis ghadi bhi bula lo wo aa jayenge

Jis ki raksha swayam Ram aakar kare
uske sankat sabhi ek pal mein tale
Ram naam ka pyaala meetha lage
dekhna Ram pyaala pila jayenge

Dukh kitna bhi ho yaad rakhna sada
Ram ke naam ko tu na karna juda
Unka daaman pakad kar chalna sada
Ram dukh saare tere mita jayenge

Ram ka naam nis din bhajte raho
dekhna ek din Ram mil jayenge

<https://bhaktivandana.com/lyrics/%e0%a4%b0%e0%a4%be%e0%a4%ae-%e0%a4%95%e0%a4%be-%e0%a4%a8%e0%a4%be%e0%a4%ae-%e0%a4%a8%e0%a4%bf%e0%a4%b8-%e0%a4%a6%e0%a4%bf%e0%a4%a8-%e0%a4%ad%e0%a4%9c%e0%a4%a4%e0%a5%87-%e0%a4%b0%e0%a4%b9%e0%a5%8b-by/>